

# MOUN MAZET

Quiha sus la colo flourido  
Darré 'n ridèu de pin, qu'es poulit moun maset !  
Ame si pèiro deglesido,  
Soun biais umble mai risoulet.

Ame si téulc que verdejon,  
Si paret que s'envan un brisoun de-galis ;  
A l 'entour lis aucèu roudejon  
Car chasque traou escound un nis.

Ame soun paure e vièi trihage,  
Soun lindau souloumbrous, si gaiards óulivié  
Toursegu e gibla pèr l'age,  
Ame si bouquet d'amelié.

Ame d'ausi la bressarello  
E lou cant doulentous dóu brancage di pin,  
Quand m'assete dins l'oumbrinello  
Qu'expandisson dins lou jardin.

A mi pèd vese moun vilage,  
E li vigno, e li champ, e liuen, dins lou cèu clar,  
Coume un meravihous seiage  
Uno rego blanco : es la mar.

Eilamount, l'aureto permèno  
Lou souspir dóu campèstre embaumant que-noun-sai  
Dous alen qu'ameiso li peno  
E que coungrèio li pantai.

Vers iéu mounon de voues amigo  
D'enfant e de masié, dóu tèms que d'auceloun,  
Long di coumbo de la garrigo,  
Fan cascaia milo cansoun.

E quand lou souleias se clino,  
Abraso moun maset endourmi sus lou « piò\* »,  
En ié curbissènt lis esquino  
D'uno capo d'or e de fiò,

Pièi quand lou sèr largo si vélo,  
D'amoundaut, lou premié, deviste li calèu  
Que s'atubon dins lis estello,  
I porto ufanouso dóu cèu !

Eigard BAIZON

\* Piò : mot nimesen pèr : *pue, puech*

